



ATASSUT

UKA 2016/104-1

Siverth K. Heilmann

20. 10. 2016

Raajat qalipaata atorlugit kitin/kotosanimik rejemel-inillu nunatta iluani nunattalu avataanut tunisassiorsinnaasumik pisortanit namminersortunillu piginneqataaffiusumik tunisassiorfimik, imminut akilersinnaasumik pilersitsisoqarsinnaanersoq paasiniarlugu, Naalakkersuisut Ukiakkut Ataatsimiinnermi 2017-mi agguaassassamik nalunaarusiornissaannik peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Peter Olsen, Inuit Ataqtigiit)

Inatsisartunut ilaasortaq Peter Olsen, Inuit Ataqtigiit aalajangiiffigisassatut siunnersuutanut qujanaq, imatullu ATASSUT-miit oqaaseqarfigissavarput.

Siullermik siunnersuuteqartoq, ATASSUT-miit nersualaarussuppsigut, tunngavilersuutinni nunarput pisuussutinik ulikkaarnerarlugu, uumasunik uummaatsunillu oqariartorninnut. Tamaasa issuaafgigeqqinngikkaluarlugit, imartatsinni miluumasunik naammattunik peqarnerarakku ilumoorluinnarputit, naak partiissinni, Aalisarnermut Piniarnermullu Naalakkersuisuutitaqarnissi nalaani, piniartut aalisartullu pisuussutit uumassusillit ilisimasaat pillugit oqariartuutigiuaraluarlugit, uumasorsiuut annerusumik tusaaniarneqartarnerat ilungersunarluinnartutut nalilertaratsigu. Taamaattumik neriuutigeqaarput, paaseqatigiinnerunissamat suleqatigiinnerunissatsinnullu, partii tunuliaqutarisat suleqatigiinnerusinnaanissatsinnut sunniuteqarluarfigissagit.

Aamma nunatta pissarititaanik atorluaanitsigut naleqarnerulersitsisinnaanermullu, Islandermiut assersuutigalugit saarullik nunguvillugu tunisassiarineqartarnera eqqartukkatit ilumoorput, taakkuuppullumi aamma ukiuni arlaqalersuni, utikuluttumillu nunat sanilerisatta Island-ip Savalimmiullu misilittagaat pitsaasut ilinniarfigineqarlutik atorneqarnerunissaanik ATASSUT-miit kaammattuutigiurakkagut. Oqaannarneq Island-imi Savalimmiuniluunniit pissutsit allaammata, nunatsinniit iliuuseqarsinnaannginneq ATASSUT-miit akuerinngilarput. Aalisagarmi qaqqineqartoq tamakkiisumik

aningaasarsissutiginiissaa aalisartumuinnaanngitsoq nunatta aningaasanik isaatitsinerunissaanut aqutissiuusserusunnerput alloriarfigisariaqaratsigu.

Aalajangiiffigisassatut siunnersuuteqartup quleqtsiussaa ATASSUT-miit paasilluarparput taperser-sorlugulu, taamaattorli kingumut aalisaganikkaluttuinnarnera ilutigalugu aammaarluta inatsisartunut Naalackersuisunullu kaammattuutigissavarput, qanga nunami fiskemeleqarnermut taarsiullugu, an-gallammik puttasumik fiskemeleqalersinnaaneq pisortat ingerlannianngippasuk, namminersortunut soqutiginnittoqarpallu nunatta karsia aningaasaliinikkut tapiisoralugu aallartittoqarsinnaanera misis-soqqullugu. Aalisartuniik naammagittaalliutigineqartarpoq, aalisakkat perlukui aalisagaqassutsimut sunniuteqarnerluttartut, sooq taava periarfissiinissaq siunertaralugu aningaasarsiornittalu pitsanngo-riaatigisinnaasaanut suli aqutissiuussissanngilagut. Aalisakkat perlukui sorpassuarnut atorneqarsin-naapput aningaasarsiornitsinnullu ilapittuutaarujussuarsinnaareerlutik.

Taamatut oqaaseqarluta siunnersuummut tapersiinerput naqissuserparput, inassutigissalluguli oqaa-seqaatigut ilanangullugit, suliap aappassaaneerneqannginnerani ataatsimiititaliami susassaqartumut ingerlateqaqqaassasoq.

Qujanaq.